

Na osnovu člana 13. Zakona o organizaciji i nadležnostima kantonalnih organa uprave i upravnih organizacija („Službeni glasnik Unsko-sanskog kantona“, broj: 9/13; 11/14; 8/15; 16/17; 25;17 i 4/19), te člana 42. stav (1) Zakona o izvršavanju Budžeta Unsko-sanskog kantona („Službeni glasnik Unsko-sanskog kantona“, broj: 1/25), a na osnovu Odluke Vlade Unsko-sanskog kantona broj: 03-02-51-852/2025 od 05.09.2025.godine, Ministarstvo obrazovanja, nauke, kulture i sporta raspisuje:

JAVNI POZIV

za predlaganje i odabir projekata tekućeg granta – Grant za kulturu, koji će se sufinansirati iz Budžeta Unsko-sanskog kantona u 2025. godini

Član 1.

Sredstva za sufinansiranje programa i projekata dodijeljivati će se u skladu sa Odlukom o kriterijima i postupku dodjele sredstava tekućeg granta – Grant za kulturu odobrenog u Budžetu Unsko-sanskog kantona za 2025. godinu za oblast kulture, putem Ministarstva obrazovanja, nauke, kulture i sporta Unsko-sanskog kantona broj: 03-02-51-852/2025 od 05.09.2025.godine.

Član 2.

Pravo učešća na Javnom pozivu imaju umjetničke organizacije, udruženja, ustanove fondacije i nositelji programa i projekata u kulturi registrirani za obavljanje djelatnosti u oblasti kulture na području Unsko-sanskog kantona.

Član 3.

Sredstva za Grant za kulturu su namjenska sredstva koja se koriste za:

- a) finansiranje i sufinansiranje programa i projekata u oblasti kulture;
- b) finansiranje i sufinansiranje za nabavku opreme, dijelova opreme i materijalno-tehničkih sredstava neophodnih za ostvarivanje programskih zadataka, kao i manju sanaciju i adaptaciju prostora u cilju stvaranja kvalitetnijih uslova za rad svih nositelja programa i projekata iz oblasti kulture, kao i za provođenje redovnih aktivnosti kandidiranih projekata, programa i manifestacija.

Član 4.

Odabir programa i projekata vršit će se u skladu sa općim i posebnim kriterijima.

a) Opći kriteriji

KRITERIJ
1. Kvalitet kandidiranih programa i projekata i njihov doprinos razvoju kulture, promociji i afirmaciji svih oblika kulturnog stvaralaštva
2. Doprinos projekta uspješnom prezentiranju, afirmaciji i promociji Unsko-sanskog kantona u zemlji i inostranstvu

b) Posebni kriteriji

KRITERIJ
1. Manifestacije, programi i projekti nositelja programa i projekata od općinskog/kantonalnog nivoa i značaja
2. Podrška programima i projektima koji imaju kontinuitet i tradiciju
3. Uspjesi na međunarodnom i domaćem planu
4. Značaj manifestacije ili programa za kulturni život lokalne zajednice i viših nivoa vlasti
5. Primarna podrška programima i projektima koji imaju podršku lokalne zajednice i viših nivoa vlasti

c) Posebni kriteriji: za nabavku opreme, dijelova opreme i materijalno-tehničkih sredstava neophodnih za ostvarivanje programskih zadataka, kao i manju sanaciju i adaptaciju prostora u cilju stvaranja kvalitetnijih uslova za rad nositelja programa i projekata iz oblasti kulture:

KRITERIJ
1. Prilagođenost namjeni (koliko će predložena adaptacija prostorija odgovarati djelatnosti nositelja programa/projekta)
2. Uticaj na očuvanje kulturnog naslijeđa
3. Budžet i finansijska opravdanost (da li su troškovi adaptacije realni i provodivi, te da li odgovaraju očekivanim rezultatima)
4. Primarna podrška programima i projektima koji imaju podršku lokalne zajednice i viših nivoa vlasti

Član 5.

- (1) Prije donošenja konačne odluke o odabiru, Komisija zadržava pravo zatražiti dodatna pojašnjenja programa/projekta od aplikanta.
- (2) Preliminarna lista aplikanata koji ispunjavaju uvjete Javnog poziva sa brojem bodova, kao i lista sa nepotpunim i neblagovremenim prijavama objavit će se na službenoj web stranici Vlade Unsko-sanskog kantona (www.vladausk.ba).
- (3) Aplikanti koji se ne nalaze na preliminarnoj rang-listi čiji programi i projekti ispunjavaju uvjete Javnog poziva, imaju pravo podnošenja prigovora ministru Ministarstva u roku od 3 (tri) dana od dana objave preliminarne rang-liste na službenoj web stranici Vlade Unsko-sanskog kantona.
- (4) Odluka o prigovoru je konačna.

Član 6.

(1) Podnosioci zahtjeva dostavljaju sljedeću potrebnu dokumentaciju kako bi dokazali ispunjavanje uslova:

- a) Popunjena, potpisana i ovjerena prijava na aplikacijskom obrascu (Obrazac broj I);
- b) Uvjerenje o poreskoj registraciji (identifikacioni broj – ID broj);
- c) Obavještenje o razvrstavanju pravnog lica prema djelatnosti (služba za statistiku);
- d) Potvrda banke u kojoj je navedeno da račun nije blokiran, broj transakcijskog računa i ID broj aplikanta, te karton deponovanih potpisa iz banke osoba odgovornih za finansije;
- e) Finansijski plan programa/projekta s izvorima prihoda i očekivanim rashodima po stavkama (popunjen obrazac za budžet projekta, Obrazac II) (za svaku stavku nabavki u budžetu projekta veću od 2.000,00 KM potrebno je priložiti predračun);
- g) Preporuka nadležne općinske/gradske službe s potvrdom o iznosu sufinansiranja (ukoliko se projekat sufinansira iz sredstava općine/grada);
- h) Nagrade, priznanja, preporuke o projektima, programima i manifestacijama lokalnog, državnog ili internacionalnog karaktera (ukoliko ih posjeduju);
- i) Ostala dokumentacija kojom se dokazuje ispunjavanje kriterija iz člana 4. ovog Javnog poziva.

(2) Svi dokumenti prilažu se u originalu ili ovjerenoj kopiji koja **ne smije biti starija od 3 (tri) mjeseca** računajući od dana objavljivanja Javnog poziva.

Član 7.

- (1) Prijava za dodjelu sredstava odnosno finansiranje/sufinansiranje projekata, posebno za svaki predloženi projekat, podnosi se na posebnom obrascu (Obrazac I) koji se preuzima sa službene web stranice Vlade Unsko-sanskog kantona www.vladausk.ba, ovjerenom i potpisanom od strane odgovorne osobe i koji mora sadržavati:
 - a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta, adresa, broj telefona, e-mail)

- b) naziv projekta (ne više od 8 riječi),
- c) lokaciju implementacije projekta,
- d) ukupan budžet projekta i izvore finansiranja,
- e) sažetak projekta,
- f) opći cilj i specifične ciljeve projekta,
- g) relevantnost projekta,
- h) očekivane rezultate,
- i) projektne aktivnosti po fazama i vremenski okvir,
- j) održivost projekta,
- k) partnere na projektu (ukoliko ih ima),
- l) budžet projekta (Obrazac II),
- m) detalje o sufinansiranju (ukoliko postoje vlastiti ili drugi izvori finansiranja)
- n) opis organizacije aplikanta,
- o) broj transakcijskog računa i naziv banke kod koje je otvoren račun.

(2) Svi aplikanti po Javnom pozivu mogu dostaviti samo jedan projektni prijedlog.

Član 8.

- (1) Obrazac za prijavu projekta sa budžetom i obavezna dokumentacija trebaju biti dostavljeni na način da su isti uvezani, numerirani i poredani prema redoslijedu iz člana 6. ovog Javnog poziva (numerira se svaka stranica redom i moraju biti uvezane u cjelinu).
- (2) Obrazac za prijavu (Obrazac I) mora biti potpisan i ovjeren.
- (3) Ukoliko aplikant ne postupi po naprijed navedenom, prijava neće biti uzeta u razmatranje i smatrat će se formalno-pravno neispravnom.
- (4) Projekti se dostavljaju u zatvorenoj koverti (A4 format) sa naljepnicom na koverti (dostupna na web stranici Ministarstva: www.vladausk.ba „Naljepnica za kovertu“).

Član 9.

Neće se uzeti u razmatranje prijave aplikanata dostavljene po Javnom pozivu:

- a) čija prijava je neblagovremena (dostavljene nakon proteka roka određenog Javnim pozivom);
- b) koji ne dostave kompletnu dokumentaciju koja se traži Javnim pozivom;
- c) koji dostave projekte usmjerene na oblasti suprotno onim koje su određene u Javnom pozivu;
- d) koji za svaku stavku nabavki iz Budžeta programa/projekta veću od 2.000,00 KM ne prilože predračun;
- e) koji u Obrascu II u koloni „opis troška“ ne specificiraju vrstu troška, već navedu uopćen opis troška iz kojeg komisija ne može jasno utvrditi preciznu namjenu utroška sredstava;
- f) koji su prethodnih godina dobili sredstva od ovog Ministarstva, a nisu ispunili obavezu pravljanja i izvještavanja;

- g) čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 30 % ukupnog budžeta programa/projekta.

Član 10.

(1) Svi zainteresirani aplikanti koji ispunjavaju uslove tražene ovim Javnim pozivom, prijave sa potrebnom dokumentacijom dostavljaju u zatvorenoj koverti na koju je potrebno zalijepiti naljepnicu za kovertu (dostupna na web stranici Vlade Unsko-sanskog kantona) neposredno na protokol Vlade Unsko-sanskog kantona ili preporučeno putem pošte na adresu: Alije Đerzeleza br. 2, 77000 Bihać, s naznakom „Prijava na Javni poziv za predlaganje i odabir programa i projekata tekućeg granta – Grant za kulturu za 2025. godinu“.

(2) Rok za podnošenje prijave je petnaest (15) dana od dana objave Javnog poziva.



Broj: 10- 11-9014-5/25
Bihać, 12.09.2025. godine